

四庫全書

史部

欽定四庫全書

史部

兩漢博聞卷十一

詳校官編修臣李潢

侍讀臣孫球覆勘

總校官庶吉士臣何思鈞

校對官庶子臣鄒奕孝

謄錄監生臣羅佑湘

欽定四庫全書

兩漢博聞卷十一

宋 楊侃 輯

封禪 光武紀

中元元年幸魯柴望岱宗登封太山禪梁父

注云岱宗太山也梁父太山下小山也封謂聚土為

壇禪謂除地而祭改壇為禪神之也續漢志曰時上

御輦升山即位於壇南北面尚書令奉玉牒檢皇帝

以寸三分壺親封之藏玉牒已以石覆訖尚書令以五寸印封石檢畢皇帝再拜禪祭地于梁陰以高后配山川羣神從祀焉其玉牒文秘刻石文辭多不載

使君

周恂傳六 郭伋傳二十一

寇恂為上谷太守耿況功曹更始立遣使者徇郡國恂從況迎使者上印綬使者納之無還意恂勒兵入見使者就請之曰使君建節銜命以臨四方今始至上谷而墮大信將復何以號令他郡乎遂授況印綬

注云君者尊之稱故曰使君

郭伋為并州牧行部有童兒騎竹馬迎之曰聞使君
到喜故來迎

太史公

光武紀中元元年

注云太史史官之長也前書音義曰太史公武帝
置在丞相之上

巴蜀

光武紀

注云蜀有巴郡故總言之

使匈奴中郎將

擁節

光武紀

南匈奴傳七十九

建武六年匈奴遣使來獻使中郎將報命

注云漢官儀曰使匈奴中郎將擁節秩比二千石

匈奴傳論曰馳中郎之使

都護

西域傳七十八

武帝時西域內屬有三十六國漢為置校尉領護之

宣帝改曰都護

注云前書云李廣利征討大宛之後屯田渠犂置

使者領護營田以供使外國也宣帝時以鄭吉前
破車師後降日逐遂并令護車師以西北道號曰
都護都護之置始於吉也

修黌宇

儒林傳序六十九上

注云說文曰黌學也黌與橫同儒林傳云遊庠序
聚橫塾者蓋布之於邦域矣

博士十四家

徐防傳三十四

徐防曰漢以孔聖既遠微旨將絕故開置大學立博

士十有四家設甲乙之科以勉勸學者

注云漢官儀曰光武中興恢弘稽古易有施孟梁丘賀京房書有歐陽和伯夏侯勝建詩有申公轅固韓嬰春秋有嚴彭祖顏安樂禮有戴德戴聖凡十四博士太常差選有聰明威重一人為祭酒總領綱紀也前書曰歲課甲科四十人為郎中乙科二十人為太子舍人丙科四十人補文學掌故

家法

徐防傳

徐防曰伏見太學試博士弟子皆以意說不修家法
注云諸經為業各自名家

石經

儒林傳序

靈帝詔諸儒正定五經刊於石碑為古文篆隸三體
書法以相叅樹之學門使天下咸取則焉

注云古文謂孔子壁中書篆隸並程邈所作也

滕囊

儒林傳序

董卓移都之際典策剖散其縑帛圖書大則連為帷

蓋小則制為膝囊

注云膝亦膝也徒恒反說文曰膝囊也

樓櫓

匈奴傳七十九

公孫瓚傳六十三

造戰車可駕數牛上作樓櫓置於塞上以拒匈奴

注云櫓即樓也釋名曰樓無屋為櫓

樓櫓千里

注云櫓即櫓字說文釋名曰櫓露也上無覆屋也

三家詩

儒林傳六十九下

前書魯人申公受詩於浮丘伯為作詁訓是為魯詩
齊人轅固生亦傳詩是為齊詩燕人韓嬰亦傳詩是
為韓詩三家皆立博士趙人毛萇傳詩是為毛詩未
得立平帝時方立毛詩

西域南山

西域傳七十八

西域東極玉門陽關西至葱嶺其東北與匈奴烏孫
相接南北有大山中央有河其南山東出金城與漢
南山屬焉其河有两源

匈奴龍祠

南匈奴傳七十九

注云前書匈奴法歲二月諸長小會單于庭祠五月大會龍城祭其先天地鬼神八月大會蹕林課校人畜計蹕音帶

醢酒

臧宮傳八

臧宮陳兵大會擊牛醢酒

注云醢所宜反說文云下酒也詩注曰以筐曰醢也

羯胡 臧宮傳論八

戎羯喪其精膽

按此語本出臧宮傳論原本誤為吳漢謹改正

注云羯本匈奴別部分散居其上黨武鄉羯室因號羯胡此總謂戎夷耳不指於羯也

幅巾

鮑永傳十九

趙咨傳二十九

韋彪傳十六

注云幅巾謂不著冠但幅巾束首也

太尉楊賜辟趙咨使飾巾出入請與講議

注云以幅巾為首飾不加冠冕又符融傳注云幅

巾以一幅為之

韋著不應州郡之命靈帝就家拜東海相詔書逼切
不得已解巾之郡

注云巾幅巾也既服冠冕故解幅巾

馬當匈鮑永傳

鮑永諫太守拔佩刀截馬當匈

注云當匈以韋為之也

含元包一鄧惲傳十九

注云前書志曰太極元氣含三為一謂三才未分

包而為一

祕經

蘇竟傳二十上

注云謂幽祕之經即緯書之類也

跼蹐

蘇竟傳

皇天所以眷顧跼蹐憂漢子孫者也

注云跼蹐猶徘徊也

綿表

楊厚傳二十上

楊厚之祖春卿善圖讖學臨終戒其子統曰吾緇裘中有先祖所傳秘記爾其修之

注云緇厚繒也音提

請讞

裏楷傳二十下

注云讞疑也謂罪有疑者讞於廷尉也

君子不死之國

東夷傳七十五

東夷天性柔順易以道御至有君子不死之國焉

注云山海經曰君子國衣冠帶劒食獸使二文虎

在旁去琅邪三萬里山海經又曰不死人在交脛
東其為人黑色壽不死並在東方也

德星

襄楷傳二十下

注云德星歲星也

不三宿桑下

佛陀

襄楷傳

襄楷上疏曰浮屠不三宿桑下不欲久生恩愛精之
至也今陛下姪女艷婦極天下之麗

注云浮屠即佛陀也但聲轉耳並謂佛也言浮屠

之人寄桑下者不經三宿便即移去示無愛戀之

心也

嗇神養和

周盤傳二十九

注云嗇愛惜也

季母

西域傳

注云季母叔母也

青門

逢萌傳七十三

逢萌解冠挂東都城門

注云漢宮殿名東都門今名青門也前書音義曰

長安東都城北頭第一門

毼毼

西域傳七十八

天竺國出細布好毼毼

注云毼它闔反毼音登埤蒼曰毛席也釋名曰施之承大牀前小榻上登以上牀也

奇幻

西域傳

注云大秦國俗多奇幻口中出火自縛自解跳十

二九巧妙非常

流沙

傳論七十八

李恂傳四十一

天竺記云西度流沙屢有熱風惡鬼過之必死

注云廣志曰流沙在玉門關外東西數百里有三
斷名曰三隴故曰隴沙以西使命不得通也

大秦國

蘇合香

西域傳

大秦國在海西亦云海西國其人民皆長大平正類
中國故謂之大秦其國合會諸香煎其汁以為蘇合

魂歸岱

天孫

烏桓傳八十

烏桓國言死者神靈歸赤山赤山在遼東西北數千里如中國人死者魂神歸岱山也

注云博物志泰山天帝孫也主召人魂東方萬物始故知人生命

貂鼯

鮮卑傳八十

鮮卑有貂鼯子皮毛柔煖故天下以為名裘

注云貂女滑反鼯胡昆反貂鼯並鼠屬貂猴屬也

輶祀

吳祐傳五十四

注云祖道之禮封土為輶壇也五經要義曰祖道者行祭為道路祈也周禮太馭掌王玉路以祀及犯輶注云輶祀者封土象山於路側以芻棘栢為神主祭之以車轆輶而去喻無險難也

秦海

西域傳

敦煌太守張璠上書以為北虜呼衍王常展轉蒲類秦海之間專制西域共為寇鈔

注云大秦國在西海西故曰秦海也蒲類亦國名

文犀

馬援傳十四

注云犀之有文彩者也

藁葬

馬援傳

馬援既卒有上書譖援前所載南方薏苡一車皆明珠文犀帝益怒援妻孥惶懼不敢以喪還舊塋買城西數畝地藁葬而已

注云藁草也以不歸舊塋時權葬故稱藁

幅裂

南匈奴傳論七十九

方夏幅裂

注云諸夏如布帛之裂也

虹蜺

楊賜傳四十四

注云爾雅云雙出色鮮盛者為雄曰虹閭者為雌

曰蜺

投蜺

楊賜傳

春秋識曰投蜺天下怨海內亂

注云春秋演孔圖曰霓者斗之亂精也失度投霓

見宋均注曰投霓投應也

配祔

陳球傳四十六

曹節欲別葬竇太后而以馮貴人配祔

注云祔謂新死之主於先死者之廟婦祔於其夫

投暮

任光傳十一

注云投至也

選懦之恩

清河孝王傳四十五

注云選懦仁弱慈戀不決之意懦仁充反

聚落

聚落化其德

注云小於鄉曰聚廣雅曰落居也

玉門關

班超傳三十七

注云玉門關屬敦煌郡今沙州也在敦煌縣西北

小杜律

郭躬傳三十六

注云武帝時廷尉杜周之子延年亦明習法律宣

帝時為御史大夫對父故言小

管穴

陳忠傳三十六

如其管穴妄有譏刺

注云管穴言小也史記扁鵲曰若以管窺天

宿麥

安帝紀五

注云宿舊也麥必經年而熟故稱宿

命夫

安帝紀永初六年

注云命夫者其男子之為大夫也命婦者其大夫

之妻也

大行

安帝紀

注云前書音義韋昭云大行者不反之辭也天子崩未有謚故稱大行也穀梁傳曰大行受大名

青部

臧洪傳四十八

袁紹以臧洪為青州刺史時羣盜颺起而青部殷實

拘儒

左雄等傳論五十二

處士鄙生忘其拘儒拂巾衽褐以企旌車之招矣

注云拘儒猶褊狹也

置之度外

公孫述傳三

漢帝釋關隴之憂

注云隗囂居西無東之意故置之度外而不為憂

解構

隗囂傳三

帝與隗囂書曰自今已後手書相聞勿用人解構之言

注云解構猶間構也

抵掌

隗囂傳

注云說文抵側擊也戰國策曰蘇秦與李兌抵掌

而談

糗糒

隗囂傳

注云周禮曰糗熬大豆與米也說文又云糒乾飯也

坏冶

崔駰傳四十二

坏冶一陶

注云坏土器之未燒者

刻玉版

崔駰傳

策合道從克亂弭衝乃將鏤玄珪冊顯功

注云珪玉也詩含神霧曰刻之玉版藏之金匱

銘功鼎

崔駰傳

注云墨子曰昔夏后開冶使飛廉析金於山以鑄

鼎於昆吾蔡邕銘論曰呂尚作周太師其功銘於

昆吾之鼎也

勒景襄之鍾

崔駰傳

注云國語曰晉魏顆以其身退秦師于輔氏其勲

銘于景鍾此兼言襄也

欽頤

周燮傳四十三

周燮生而欽頤折頰醜狀駭人其母欲棄之其父不聽曰吾聞聖賢多有異貌

注云頤頤也欽頤曲頤也說文曰頰鼻莖也折亦曲也欽立凡反欽或作頤音同

髻髻 周變傳

周變始在髻髻而知廉讓

注云髻髮也禮記曰子生三月之末擇日剪髮為
髻男角女羈否則男左女右髻徒果反

恭館 班固傳三十下

啓恭館之金滕

注云恭肅之館謂廟中也金滕以金緘匱藏符瑞
之書於其中也

遂古

班固傳

注云遂古猶遠古

茹薇

申屠蟠傳四十三

昔人之隱巢棲茹薇

注云巢棲猶巢父也薇似藿也

診脈

郭玉傳七十二下

有老父不知何出常漁釣於涪水因號涪翁見有疾者時下針石輒應時而效乃著針經診脈法傳於世

注云診候也

賈胡

李恂傳四十一

注云賈胡胡之商賈也

鼓下戮人

岑彭傳七

光武收韓歆置鼓下將斬之

注云中將軍最尊自執旗鼓若置營則立旗以為
軍門并設鼓戮人必於其下

攘袂

攘袂而正讓

注云袂衣袖也攘袂猶今之言捋臂也

錄尚書事

肅宗紀三

肅宗以侯熹為太傅牢融為太尉並錄尚書事

注云武帝初以張子孺領尚書事錄尚書事由此

始

放手

顯宗紀

權門請託殘吏放手

注云放手謂貪縱為非也

贖刑

顯宗紀

詔曰方春戒節人以耕桑其敕有司務順時氣使無
煩擾天下亡命殊死已下聽得贖論死罪入縑二十
匹右趾至髡鉗城旦舂十匹完城旦舂至司寇作三
匹

注云前書音義曰右趾謂刖其右足次刖左足次
劓次黥次髡鉗為城旦舂城旦者晝日伺寇虜夜

暮築長城春者婦人犯罪不任軍役之事但令春
以食徒者完者謂不加髡鉗而築城也次鬼薪白
粲次隸臣妾次司寇作

投傳

陳蕃傳五十六

豫州刺史周景辟陳蕃為別駕從事蕃以諫爭不合
投傳而去

注云投棄也傳謂符也丁戀反

度遼將軍

五原

顯宗紀

永平五年北匈奴寇五原八年初置度遼將軍屯五原曼柏

注云武帝拜范明友為度遼將軍至此復置焉以
中郎將吳常行度遼將軍曼柏縣在今勝州銀城
縣

部將 寇恂傳六

注云部將謂軍部之下小將也

天人致誅 班固傳三十下

往者王莽作逆漢祚中缺天人致誅六合相滅

注云天人謂天意人事共相誅也

封事

副封

顯宗紀永平八年

詔羣司勉修職事極言無諱於是在位者皆上封事
各言得失

注云宣帝始令羣臣得奏封事以知下情封有正
有副領尚書者先發副封所言不善屏而不奏後
魏相奏去副封以防壅蔽

昆侖塞

顯宗紀

永平十七年竇固耿秉劉張出敦煌昆侖塞擊破白

山虜於蒲類海上

注云昆侖山名因以為塞在今肅州酒泉縣西南

山有昆侖之體故名之周穆王見西王母于此山

有石室王母臺

郎官上應列宿

顯宗紀

郎官上應列宿出宰百里

注云史記曰太微宮後二十五星郎位也

懷檄

陳寔傳五十二

中常侍侯覽託潁川太守高倫用吏倫教署為文學掾功曹陳寔知非其人懷檄請見

注云檄板書謂以高倫之教書之於檄而懷之者懼洩事也

尤無狀者

肅宗紀建初元年 前漢東方朔傳注

詔刺史明加督察尤無狀者

注云無狀謂其罪惡尤大其狀無可寄言故云無狀它皆類此

館陶公主徒跣頓首謝曰妾無狀

師古曰狀形貌也無狀猶言無顏面以見人也一曰自言所行醜惡無善狀也

斗食小吏

肅宗紀

注云前書曰百石已下有斗食佐吏之秩言小吏也

方目紗

肅宗紀建初二年

詔齊相省冰紈方空縠吹綸絮

注云紈素也冰言色鮮潔如冰釋名曰縠紗也方空者紗薄如空也或云孔也即今之方目紗也前書齊有三服官故詔齊相罷之

鈗鑽

肅宗紀

元和元年詔曰自往者大獄已來掠考多酷鈗鑽之屬慘苦無極

注云大獄謂楚王英等事也。鈇其廉反。說文曰：鈇，鉏也。國語曰：中刑用鑽鑿，皆謂酷慘其肌膚也。

汴渠

顯宗紀

永平十二年，遣將作謁者王吳修汴渠，自滎陽至于千乘海口。

注云：汴渠，即葭蕩渠也。汴自滎陽首受河，所謂石門在滎陽山北一里，過汴已東，積石為隄，亦號金隄。成帝陽嘉中所作也。

大酺

禁羣飲

顯宗紀永平十五年

令天下大酺五日

注云前書音義曰漢律三人已上無故羣飲罰金四兩今恩詔橫賜得令聚會飲食五日酺布也言天子布恩於天下

三老

顯宗紀

詔賜天下男子爵人一級三老孝悌力田人三級

注云前書音義曰男子者謂戶內之長也人賜爵

者有罪得贖貧者得賣與人三老孝悌力田三者
皆鄉官之名三高帝置孝悌力田高后置所以
勸導鄉里助成風化也文帝詔曰孝悌天下之大
順也力田為生之本也三老衆人之師也其以戶
口率置員

白馬羌

光武紀

建武十三年廣漢徼外白馬羌豪率種人內屬

注云廣漢今益州雒縣也羌有百五十四種在廣

漢西北者為白馬羌也

三韓

東夷傳七十五

東夷有三韓一曰馬韓二曰辰韓三曰弁韓馬韓在
西有五十四國其北與樂浪南與倭接辰韓在東十
有二國其北與濊貊接弁韓在辰韓之南亦十有二
國凡七十八國百濟是其一國焉大者萬餘戶小者
數千家各在山海間地方四千餘里

太白

杜篤傳七十

注云太白天之將軍

初作壽陵

光武紀

建武二十六年初作壽陵

注云初作陵未有名故號壽陵蓋取久長之義也
漢自文帝以後皆預作陵今循舊制也

徙函谷關

光武紀更始二年

注云函谷谷名因谷以名關舊在弘農湖城縣西
前書楊僕為樓船將軍有功耻居關外武帝乃徙

於新安故關在今洛州新安縣之東

褒斜

順帝紀

注云褒斜漢中谷名南谷名褒北谷名斜首尾七百里

軍假吏

山阻用材官

光武紀

建武七年詔曰今國有衆軍並多精勇宜且罷輕車騎士材官樓船士及軍假吏

注云漢官儀曰高祖命天下郡國選能引關蹶張

材力武猛者以為輕車騎士材官樓船常以秋後
講肄課試各有員數平地用車騎山阻用材官水
泉用樓船軍假吏謂軍中權置吏也今悉罷之

幘

光武紀更始元年

注云漢官儀曰幘者古之卑賤不冠者之所服也
方言曰覆髻謂之幘或謂之承露

豪傑英俊

光武紀

崔駰傳

注云淮南子曰智過百人謂之豪白虎通云賢過

萬人曰傑

注云文子曰智過萬人謂之英千人謂之俊

司隸

光武紀

注云前書曰司隸校尉本周官武帝初置持節從中都官徒千二百人督大姦猾後罷其兵察三輔三河弘農秩比二千石音義云以掌徒隸而巡察故曰司隸

穀皮綃頭

周黨傳七十三

向栩傳七十一

周黨被徵不得已乃著短布單衣穀皮綃頭待見尚書

注云以穀樹皮為綃頭也服此尚書以待見也

向栩性卓詭不倫恒讀老子狀如學道又似狂生好被髮著絳綃頭

注云說文綃生絲也從系肖聲音消案此字當作幪此消反其字從巾古詩云少年見羅敷脫巾著幪頭鄭玄注儀禮云如今著幪頭自頂中而前交

額上却繞髻也

內學

方術傳序七十二

自王莽矯用符命及光武尤信讖言自是習為內學
尚奇文貴異數不乏於時矣

注云內學謂圖讖之書也其事祕密故稱內

謁太山請命

許曼傳七十二下

許峻少嘗篤病三年不愈乃謁太山請命

注云太山主人生死故謂請命也

思遲直士

肅宗紀建初五年

詔朕思遲直士側席異聞

注云遲猶希望也持二反側席謂不正坐所以待其賢良也

三屬

肅宗紀元和元年

詔曰往者妖言大獄所及廣遠一人犯罪禁至三屬
注云三屬即三族也謂父族母族妻族

孥甲

肅宗紀元和二年

方春生養萬物莩甲

注云莩葉裏白皮也易曰百果甲拆

兩漢博聞卷十一

欽定四庫全書

兩漢博聞卷十二

宋 楊侃 輯

物色

錯愕

寒朗傳三十一

注云物色謂形狀也錯愕猶倉卒也錯七故反愕

五故反

貫行

東平憲王蒼三十二

前漢谷永傳附

光武營建陵地詔曰無為山陵陂池裁令流水而已

孝明皇帝大孝無違奉承貫行

注云貫行謂一皆遵奉也谷永曰一以貫行固執無違

谷永傳云以次貫行固執無違

師古曰貫聯續也謂永所陳奏諸事宜次第相續行之不當更違異也

太白經天

廣陵思王荆傳三十二

太白前出西方至午兵當起

注云洪範五行傳云太白少陰之星以己未為界

不得經天而行經天為不臣今至午是為經天也

款段馬

馬援傳十四

注云款猶緩也言形段遲緩也

試守

馬援傳

朱勃未二十右扶風請試守渭城宰

注云試守者試守一歲乃為真食其全俸

麤糲

伏湛傳十六

注云麤糲米也九章算術曰粟五斗糲率三斗一

斛粟得六斗米為糲也

眩眚

韋彪傳十六

注云眩風疾也眚亂也謂視不明之貌也眩音縣

眚亡邁反

髻髮

伏湛傳十六

髻髮厲志白首不衰

注云埤蒼曰髻髦也髻髮謂童子垂髮

正印文

馬援傳十四

注云東觀記曰馬援上書臣所假伏波將軍印書
伏字犬外嚮城臯令印臯字為白下羊丞印四下
羊尉印白下人人下羊即一縣長吏印文不同恐
天下不正者多符印所以為信也所宜齊同薦曉
古文字者事下大司空正郡國印章奏可

頭山

馬援傳

注云頭山山名也在今辰州沅陵東武陵記曰此
山頭與東海方壺山相似神仙多所遊集因名壺

頭山也山邊有石窟即馬援所穿室以避免炎氣也
室內有蛇如百斛船大云是援之餘靈也

荅布

馬援傳

公孫述為馬援制都布單衣

注云東觀記曰都作荅前書音義曰荅布白疊布
也

椒風

班固傳三十上 前漢董賢傳附

注云桓譚新論曰董賢女弟為昭儀居舍號曰椒

風

召賢女弟為昭儀位次皇后更名其舍為椒風以配

椒房

師古曰皇后殿稱椒房欲配其名故云椒風

昭陽殿

班固傳

注云昭陽殿成帝趙昭儀所居也

泰紫

班固傳

西都賦云放泰紫之圓方

注云放象也。秦紫謂秦微紫宮也。劉向七略曰：明堂之制，內有太室象紫宮，南出明堂象太微。春秋合誠圖曰：太微其星十二，四方史記天官書曰：環之匡衛十二星，藩臣皆曰紫宮，是太微方而紫宮圓也。

避第
皇甫規傳五十五

皇甫規自以連在大位，欲退身避第。

注云：言欲歸第避仕宦之塗也。

帷幄

仲長統傳三十九

注云在旁曰帷在上曰幄

檢柙

仲長統傳三十九

中世之選三公也務於清慤謹慎循常習故者是婦
女之檢柙鄉曲之常人耳惡足以居斯位邪

注云檢柙猶規矩

狙詐

黨錮傳序五十七

霸德旣衰狙詐萌起

注云霸德衰謂六國時也狙七余反廣雅曰狙彌猴也以其多詐故比之也

叔末 黨錮傳序

叔末澆訛王道陵缺

注云叔末猶季世也

權 崔寔傳四十二

聖人執權遭時定制步驟之差各有云設

注云權謂變也遭遇其時而定法制不循於舊也

兼金

張衡傳四十九

注云兼金價倍於惡者故曰兼金

邪揄

王霸傳十

王郎起光武在薊郎移檄購光武光武令王霸至市中募人將以擊郎市人皆大笑舉手邪揄之

注云說文曰廠廠手相笑廠弋支反廠音踰或音由此云邪揄語輕重不同

強項

楊震傳四十四

注云強項言不低屈也

悽悽

楊賜傳四十四

不盡其悽悽之心

注云悽悽猶勤勤也悽力侯反

壽冢

侯覽傳六十八

注云生而自為冢為壽冢

抵罪

南匈奴傳七十九

中郎將張脩與單于不相能脩擅斬之更立右賢王

羌渠為單于脩以不先請而擅誅殺檻車徵詣廷尉
抵罪

注云前書注曰抵至也殺人者死張脩擅斬單于
呼徵故至其罪也

南北庭

南匈奴傳論

乃詔有司開北鄙擇肥美之地量水草以處之馳中
郎之使盡法度以臨之制衣裳備文物加璽紱之綬
正單于之名於是匈奴分破始有南北二庭焉

注云永元三年將軍竇憲請立於除鞬為北單于是為北庭由南北二庭自相馳突而漢之塞地晏然無事矣

前載

南匈奴傳論

坐樹大鯁永言前載

注云由竇憲請立北庭遂使匈奴滋蔓即是坐樹大鯁永言前事深可恨哉載事也

調穀

蓋勲傳四十八

蓋勲為漢陽太守調穀以稟飢人

注云調猶發也

嗇夫

城陽恭王傳四

百官志二十八

光武十八年立考侯康侯廟北園陵置嗇夫

注云嗇夫本鄉官主知賦役多少平其差品園陵
置之知祭祀徵求諸事注云風俗通曰嗇者省也
夫賦也言消息百姓均其役賦

平署

李膺傳五十七

李膺等遭黨事當考實案經三府太尉陳蕃卻之曰
今所考案皆海內人譽憂國忠公之臣此等猶將十
世宥也豈有罪名不章而致收掠者乎不肯平署

注云平署猶連署

比門

夏馥傳五十七

夏馥行質直同縣高氏蔡氏並皆富植郡人畏而事
之唯馥比門不與交通

注云比門猶並門也

版蕩

董卓傳論六十二

版蕩之篇於焉而極

注云詩曰上帝版版下民卒瘁注云版反也瘁病也言厲王為改反先王之道民盡病也又蕩之什曰蕩蕩上帝下民之辟注云蕩蕩法度廢壞之貌也

九市

班固傳三十上

注云長安九市其六在道西三在道東

山西鄭興傳二十六

注云山西謂陝山已西也

門士郭太傳五十八

庾乘少給事縣庭為門士

注云門士即門卒也

大駟郭太傳

段干木晉國之大駟

注云說文曰駟儻也謂合兩家之賣買如今之度

市也馭子朗反

題目 許劭傳五十八

許劭少峻名節好人倫多所賞識曹操微時嘗卑辭
厚禮求為已目劭鄙其人而不對操乃伺隙脅劭劭
不得已曰君清平之姦賊亂世之英雄操大悅而去

注云已目者令品藻為題目

琴操 曹叅傳二十五

注云操猶曲也劉向別錄曰君子因雅琴之適故

從容以致思焉其道閉塞悲愁而作者名其曲曰
操言遇災害不失其操也紂為象筮箕子諫不聽
乃佯狂為奴隱而鼓琴以自悲故傳之曰箕子操

園邑

梁竦傳二十四

注云文帝即位追尊薄太后父為靈文侯會稽郡

置園邑三百家

綺疏

梁冀傳二十四

窗牖皆綺疏青瑣

注云牖小窗也綺疏謂鏤為綺文青瑣謂刻為瑣
文而以青飾之也

飛梁

梁冀傳

注云架虛為橋若飛也

洞戶

梁冀傳

連房洞戶

注云洞通也謂相當也

偃伯靈臺

馬融傳五十上

注云司馬法曰古者武軍三年不興則凱樂凱歌
偃伯靈臺咨人之勞告不興也偃休也伯師節也
靈臺望氣之臺也

亡命

王常傳五

王常舞陽人也王莽末為弟報仇亡命江夏

注云命者名也言背其名籍而逃亡也

判章

孔融傳六十

山陽張儉為中常侍侯覽所怨覽為判章下州郡以

名捕儉

注云刊削也謂削去告人姓名

郵置

郭太傳五十八

注云說文曰郵境上傳書舍也廣雅曰郵驛也置亦驛也風俗通曰漢改郵為置置者度其遠近之間置之也

隸名

孔融傳

孔融為將作大匠遷少府每朝會訪對融輒引正定

議公卿大夫皆隸名而已

注云說文云隸附著

隱几

孔融傳

注云隱憑也

直指

孔融傳

孔融曰馬日磧以上公之尊秉髦節之使銜命直指

寧輯東夏

注云直指無屈撓也前書有繡衣直指輯和也

臘賜

何敞傳三十三

何敞曰臘賜自郎官以上公卿王侯以下至於空竭帑藏損耗國資

注云臘賜大將軍三公錢各二十萬牛肉二百觔粳米二百斛特進侯十五萬卿十萬校尉五萬尚書三萬侍中將大夫各二萬千石六百石各七千虎賁羽林郎二人共三千以為祀門戶直

五湖

馮衍傳十八下

注云越絕書曰太湖周三萬六千頃虞翻云太湖有五道故謂之五湖隔湖洮湖射湖貴湖及太湖為五湖並太湖之小支俱連太湖故太湖兼得五湖之名在今湖州東也

浩亶

馬援傳十四

注云浩亶音告門縣名屬金城郡浩水名也亶者水流夾山間兩岸深若門也詩曰鳬鷖在亶亦其義也今俗呼此水為閤門河蓋疾言之耳

駱驛不絕 郭伋傳二十一

注云駱驛連續也

優復 杜詩傳二十一

杜詩上疏曰今若使公卿郡守出於軍壘則將帥自厲士卒之復比於宿衛則戎士自百

注云復謂優寬也音福續漢志曰羽林郎秩比三

百石掌侍從宿衛言士卒得比於郎則人百其勇

轉藉 廉范傳二十一

虜自相轉藉死者千餘人

注云轉轉也藉相蹈藉也

典負

樊條傳二十二

河南縣亡失官錢典負者坐死

注云典謂主典負謂欠負

二祖四宗

肅宗紀元和二年

詔祠二祖四宗

注云二祖謂高祖世祖四宗謂文帝為太宗武帝

為世宗宣帝為中宗明帝為顯宗

釜鬻

和帝紀永元五年

注云鬻音尋方言曰甑自關而東謂之鬻

平民

殤帝紀

貪苛慘毒延及平民

注云平民謂善人也書曰延于平人

伏閉

和帝紀

永元六年六月己酉初令伏閉盡日

注云漢官舊儀曰伏日萬鬼行故盡日閉不干他

事

燈道

班固傳三十上

西都賦云彌明光而絙長樂陵燈道而超西墉

注云燈道陞級也

柰棱

班固傳

西都賦云上柰棱而棲金雀

注云柰棱殿堂上最高處也柰音柰棱力登反其

上棲金雀

靈篇

班固傳

注云靈篇河洛之書也

苛細

宣秉傳十七

宣秉務舉大綱簡畧苛細

注云說文曰苛細草也以喻煩雜也

伋積

張讓傳六十八

宦者傳論

靈帝寵任宦官又於西園造萬金堂引司農金錢繒

帛仞積其中

注云仞滿也

官者論曰南金和寶冰紈霧縠之積盈仞珍藏

廢典

顯宗紀

注云廢典謂明堂辟雍之禮歷漢不行也

犀舟勁楫

張衡傳四十九

注云前書曰羌戎弓矛之兵器不犀利音義曰今

俗謂刀兵利為犀犀堅也

鎧馬 蔡邕傳五十下

幽冀舊壤鎧馬所出

注云鎧甲也周禮考工記曰燕無函函亦甲也言
幽燕之地家家皆能為函故無函匠也左傳云冀
之北土馬之所生

表左 蔡邕傳

蔡邕曰謹條宜所施行七事表左

注云表左謂陳之於表左猶今云如左右者

列將

西北列將得無解體

注云列將謂諸將也

宰府

蔡邕傳

注云宰府謂三公府也

右職

蔡邕傳

注云右用事之便謂樞要之官

阜囊

蔡邕傳

注云漢官儀曰凡章表皆啟封其言密事得卓囊也

魁頭露紒

東夷傳七十五

馬韓人大率皆魁頭露紒

注云魁頭猶科頭也謂以髮縈繞成科結也紒音計

閭達

馬武傳十二

馬武為人嗜酒閭達敢言

注云闊達大度也敢言果敢於事無所隱也

回容

馬武傳

光武雖制御功臣而每能回容宥其小失

注云回曲也曲法以容也

風星

任文公傳七十二

任文孫明曉天官風星秘要

乙夜

雞鳴歌

百官志二十六

注云凡中宮漏夜盡鼓鳴則起晝盡鍾鳴則息衛

士甲乙檄相傳甲夜畢傳乙夜相傳盡五更衛士
傳言五更未明三刻後雞鳴衛士踵丞郎趨嚴上
臺不畜宮中雞汝南出雞鳴衛士候朱爵門外專
傳雞鳴於宮中應劭曰楚歌今雞鳴歌也晉太康
地道記曰後漢固始鮦陽公安細陽四縣衛士習
此曲於闕下歌之今雞鳴是也

賀冬至

禮儀志五

注云冬至陽氣起君道長故賀夏至陰氣起君道

衰故不賀鼓以動衆鍾以止衆故夜漏盡鼓鳴則起晝漏盡鍾鳴則息

杜宇

張衡傳四十九
五十七上

文選左思賦四

前漢揚雄傳

張衡思玄賦云鼃令殪而尸亡兮取蜀禪而引世

注云鼃令蜀王名也令音靈殪死也禪傳位也引

長也揚雄蜀王本紀曰荆人鼃令死其尸流亡隨

江水上至成都見蜀王杜宇杜宇立以為相杜宇

號望帝自以德不如鼃令以其國禪之號開明帝

下至五代有開明尚始去帝號復稱王也

左思蜀都賦云碧化萇弘之血鳥生杜宇之魄

注云萇弘死於蜀藏其血三年化為碧杜宇王蜀號曰望帝宇死化為子規鳥

揚雄反騷云徒恐鷦鷯之將鳴兮顧先百草為不芳
師古曰離騷云鷽鷽之先鳴兮使夫百草為不芳
雄言終以自沈何惜芳草而憂鷽鷽也鷽鷽字也
鷽鷽鳥一名買銳一名子規一名杜鵑常以立夏

鳴鳴則衆芳皆歌鶉大系反鵠音桂鶉字或作鶉
亦音題鵠音決銳音詭

九宮

張衡傳四十九

張衡以圖緯虛妄非聖人之法乃上疏曰臣聞聖人
明審律歷以定吉凶重之以卜筮雜之以九宮

注云易乾鑿度曰太一取其數以行九宮鄭玄注
云太一者北辰神名也下行八卦之宮每四乃還
於中央中央者地神之所居故謂之九宮天數大

分以陽出以陰入陽起於子陰起於午是以太一
下九宮從坎宮始自此而從於坤宮又自此而從
於震宮又自此而從於巽宮所以從半也還息於
中央之宮既又自此而從於乾宮又自此而從於
兌宮又自此而從於艮宮又自此而從於離宮行
則周矣上遊息於太一之星而反紫宮行起從坎
宮始終於離宮也

陽月

馬融傳五十

注云爾雅曰十月為陽孫炎注云純陰用事嫌於
無陽故以名云

三家言天

張衡傳

張衡遷太史令遂乃研覈陰陽妙盡璇璣之政作渾
天儀著靈憲筭罔論言甚詳明

注云漢名臣奏曰蔡邕曰言天體者有三家一曰
周髀二曰宣夜三曰渾天宣夜之學絕無師法周
髀術數具存考驗天狀多所違失故史官不用唯

渾天者近得其情今史官所用候臺銅儀則其法也靈憲序曰昔在先王將步天路用定靈軌尋緒本元先準之于渾儀體是為正儀故靈憲作興衡集無筭罔論蓋網絡天地而筭之因名焉

八行竇章傳十二

注云馬融與竇章書曰孟陵奴來賜書見手迹歡喜可量書雖兩紙紙八行行七字

象鑣輿服志二十九

注云爾雅注曰鑣馬勒旁鐵也此用象牙乘輿有之

五星

蘇竟傳二十上

注云五星謂東方歲星南方熒惑西方太白北方辰星中央鎮星

懷宮

取純傳十一

注云懷宮河內縣名有離宮焉

雲罕

輿服志上二十九

法駕前驅有九旂雲罕

注云徐廣曰旂車有九乘前史不記形也武王克紂百夫荷罕旗以先驅東京賦曰雲罕九旂薛綜曰旂旗名

皮軒 輿服志上

注云胡廣曰皮軒以虎皮為軒郭璞曰皮軒革車或曰即曲禮前有士師則載虎皮

豹尾 輿服志上

大駕法駕最後一車懸豹尾豹尾以前比省中

注云薛綜曰豹尾侍御史載之小學漢官篇曰豹尾過後罷屯解圍胡廣曰施於道路豹尾之內為省中故須過後屯圍乃得解皆所以戒不虞也淮南子曰軍正執豹皮所以制正其衆禮記前載虎皮亦此之類

一時之功

吳漢傳八

吳漢說彭寵曰漁陽上谷突騎天下所聞也君何不

合二郡精銳附劉公擊邯鄲此一時之功也

注云一時言不可再遇也

尼首

高獲傳七十二

高獲為人尼首方面

注云尼首首象尼丘山中下四方高也

右姓

郭伋傳二十一

強宗右姓

注云右姓猶高姓也

白水為河

張衡傳四十九

注云河圖曰崑山出五色流水其白水東南流入

中國名為河也

天潢

張衡傳

思玄賦云乘天潢之汎汎兮浮雲漢之湯湯

注曰史記曰王良旁有八星絕漢曰天潢雲漢曰

天河也

小靳

崔寔傳四十二

靈帝時開鴻都門榜賣官爵是時段熲等有功勤名
譽然皆先輸貨財而後登公位崔烈時因傳母入錢
五百萬得為司徒及拜曰天子臨軒百僚畢會帝顧
謂親倖曰悔不小靳可至千萬

注云靳固惜之也靳或作僞說文曰僞引為價也

一建反

區種

劉般傳二十九

顯宗時以郡國牛疫通使區種增耕

注云汜勝之書曰上農區田法方深各六寸間相
去七寸一畝三千七百區丁男女種十畝至秋收
區三升粟畝得百斛中農區田法方七寸深六寸
間相去二尺一畝千二十七區丁男女種十畝秋
收粟畝得五十一石下農區田法方九寸深六寸
間相去三尺秋收畝得二十八石旱即以水沃之

行春

崔駰傳四十二

強起班春

注云郡國常以春行縣勸人農桑振救乏絕班布

春令也

桑榆

孟嘗傳六十六

年歲有訖桑榆行盡

注曰謂日將夕在桑榆間言晚暮也

三署郎

漢官左右中郎將皆秦官也比二千石三署郎皆屬焉

三署謂五官署左右署也

端門 襄楷傳二十下 前漢李尋傳

襄楷曰去歲五月熒惑入太微犯帝坐出端門不軌
常道今年歲星久守太微逆行西至掖門還切執法
注云天官書曰太微南四星中為端門軌猶依也
又曰端門左右星為掖門太微南四星為執法切
謂迫近也

前漢書注云端門太微正南門

貪叨

注云方言曰叨殘也

苞苴

第五種傳三十一

楊賜傳四十四

在鄉曲無苞苴之嫌步朝堂無擇言之闕

注云苞苴饋遺也

楊賜上封事曰夫女謁行則讒夫昌讒夫昌則苞苴
通

黃腸

梁商傳二十四

大將軍梁商薨帝賜以東園朱壽之器銀鏤黃腸玉

匣什物二十八種

注云壽器棺也以朱飾之以銀鏤之前書音義曰以栢木黃心為槨曰黃腸也

鄭公鄉

鄭玄傳二十五

孔融告高密縣為鄭玄特立一鄉曰昔齊置士鄉越有君子軍皆異賢之意鄭君好學實懷明德昔太史公廷尉吳公謁者僕射鄧公皆漢之名臣又南山四皓有東園公夏黃公潛光隱耀世嘉其高皆悉稱公

然則公者仁德之正號不必三事大夫也今鄭君鄉
宜曰鄭公鄉

注云管仲相桓公制國為二十一鄉工商鄉六士
鄉十五以居工商士也吳越相攻越王勾踐乃中
分其師為左右軍以其私卒君子六千人為中軍
注云君子王所親近有志行者事並見國語

公羊墨守

鄭玄傳

任城何休好公羊學遂著公羊墨守左氏膏肓穀梁

廢疾鄭玄乃發墨守鍼膏肓起廢疾休見而歎曰康
成入吾室操吾矛以伐我乎

注云言公羊義理深遠不可駁難如墨翟之守城
也說文云肓隔也心下為膏喻左氏之疾不可為
也康成玄字也

顥氣

班固傳三十上

西都賦云抗仙掌與承露擢雙立之金莖軼埃壙之
混濁鮮顥氣之清英

注云說文云顥白貌音皓

棹卒

岑彭傳

棹卒六萬餘人

注云棹卒持棹行船也

露橈

岑彭傳

露橈數千艘

注云爾雅曰檝謂之橈露橈謂露檝在外人在船

中

巫蠱

和帝陰皇后傳十

挾巫蠱道

注云巫師為蠱故曰巫蠱左傳注曰蠱惑也

讎校

和熹鄧皇后紀十

東觀讎校傳記

注云讎對也


佺子

和熹鄧皇后紀

太后以陰陽不和軍旅數興詔饗會勿設戲作樂減

逐疫侂子之半

注云侂子逐疫之人也音振薛綜注西京賦云侂
之為言善也善童幼子也續漢書曰大儺選中黃
門子弟年十歲以上十二以下百二十人為侂子
皆赤幘皂製執大靴



兩漢博聞卷十二